

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-150-22/22

Datum: 12.12.2022. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22) direktor Zavoda donosi

O D L U K U
o izboru najpovoljnijeg ponuđača u predmetu javne nabavke
telefonskih usluga (fiksna i mobilna telefonija) i usluge interneta

I

Prihvata se preporuka Komisije za nabavke broj 07-150-21/22 od 09.12.2022. godine i Ugovor o javnoj nabavci telefonskih usluga (fiksna i mobilna telefonija) i usluge interneta za potrebe Ugovornog organa dodjeljuje se ponuđaču BH Telecom d.d. Sarajevo, kao najpovoljnijem ponuđaču, čija je ukupna cijena ponude data na bazi jediničnih količina i cijena traženih usluga i iznosi 190,65 KM sa uračunatim PDV-om.

II

Ugovor o nabavci iz prethodnog člana ponudiće se izabranom ponuđaču u roku od 5 dana od dana dostavljanja ove Odluke.

III

Odluka stupa na snagu danom donošenja.

O b r a z l o ž e n j e

Zavod za javno zdravstvo Tuzlanskog kantona je, kao Ugovorni organ, u skladu sa Odlukama o pokretanju postupka javne nabavke telefonskih usluga (mobilna i fiksna telefonija) broj 07-150-2/22 od 17.11.2022. godine i Odluke o pokretanju postupka javne nabavke usluga interneta broj 07-150-3/22 od 17.11.2022. godine, pokrenuo postupak javne nabavke telefonskih usluga (fiksna i mobilna telefonija) i usluge interneta putem pregovaračkog postupka bez objave obavještenja o nabavci broj 07-150-4/22 od 18.11.2022. godine, shodno članu 21. stav (1) tačka c) Zakona o javnim nabavkama („Službeni glasnik BiH“ 39/14, 59/22) (u daljem tekstu: Zakon).

U skladu sa članom 28. stav (4) Zakona tenderska dokumentacija je objavljena na internetskoj stranici Ugovornog organa. Poziv za učešće u pregovaračkom postupku upućen je kandidatu BH Telecom d.d. Sarajevo.

Na poziv za učestvovanje u navedenom postupku prijavio se jedan kandidat: BH Telecom d.d. Sarajevo i u roku dostavio kvalifikacionu dokumentaciju. Komisija za nabavke (u daljem tekstu: Komisija) je konstatovala da je pristigla koverta sa dokumentacijom blagovremena i ispravno zapečaćena. Nakon njenog otvaranja Komisija je utvrdila da je kandidat ispunio uslove za kvalifikaciju (Zapisnik o ishodu kvalificiranosti kandidata broj 07-150-9/22 od 29.11.2022. godine), te je imenovanom kandidatu upućen poziv za dostavljanje početne ponude.

Na poziv za učestvovanje u pregovaračkom postupku bez objave obavještenja u postupku javne nabavke telefonskih usluga (fiksna i mobilna telefonija) i usluge interneta, prijavio se jedan kandidat: BH Telecom d.d. Sarajevo.

Komisija za nabavke je konstatovala da su svi uslovi za kvalifikaciju ispunjeni i uputila ponudaču BH Telecom d.d. Sarajevo poziv za dostavljanje početne ponude sa pozivom na pregovaranje.

Komisija je konstatovala da je zaprimljena početna ponuda BH Telecom d.d. Sarajevo, blagovremena, ispravno zapečaćena i pristupila otvaranju iste. Komisija je konstatovala da je ponuda dostavljena, na osnovu jediničnih cijena, u iznosu od 167,22 KM bez PDV-a odnosno u ukupnom iznosu ponude od 195,65 KM sa PDV-om koja je data na osnovu jediničnih količina traženih usluga i njihovih jediničnih cijena koje se mogu javiti tokom ugovornog perioda od godinu dana.

Prilikom računske provjere dostavljene ponude, Komisija je konstatovala grešku računske prirode, odnosno na osnovu jediničnih cijena ponude, ukupna cijena ponude bez PDV-a je trebala da glasi 162,95 KM, sa iznosom PDV-a od 27,70 KM i ukupnim iznosom ponude sa PDV-om u iznosu od 190,66 KM, a ne 167,22 KM bez PDV-a, iznosom PDV-a od 28,43 KM i ukupnim iznosom ponude od 195,65 KM kako je to naveo ponudač u ponudi.

Komisija je dalje ustanovila da je ponudač dostavio svu potrebnu dokumentaciju definisanu tenderskom dokumentacijom.

Nakon otvaranja početne ponude Komisija je pozvala predstavnike ponudača Dedeić Džemil i Mirza Bešlagić, po ovlaštenju broj 07-150-13/22 od 06.12.2022. godine da se pridruže Komisiji i prije početka pregovora o cijeni upitala predstavnike ponudača za pojašnjenje utvrđene računske greške. Imenovani predstavnici ponudača su se složili sa ispravkom konstatovane računske greške, tako da ukupna cijena početne ponude glasi 162,95 KM bez PDV-a odnosno u ukupnom iznosu ponude od 190,66 KM sa PDV-om.

Prilikom pregovora o bitnim uslovima ugovora ponudač BH Telecom d.d. Sarajevo je konstatovao da je u ponudi iskazao najnižu cijenu za usluge po predmetnoj ponudi. Nakon završenih pregovora sa ponudačem BH Telecom d.d. Sarajevo, istom je upućen poziv za dostavljanje konačne ponude, koja je dostavljena u roku i u iznosu od 162,95 KM bez PDV-a odnosno 190,65 KM sa PDV-om koja je data na osnovu jediničnih količina traženih usluga i njihovih jediničnih cijena koje se mogu javiti tokom ugovornog perioda od godinu dana. Komisija je konstatovala da je razlika od 0,01 KM kod ukupne vrijednosti ponude sa PDV-om rezultat zaokruživanja iznosa na dvije decimale, što nije relevantno obzirom da je ponuda data na osnovu jediničnih cijena traženih usluga.

Komisija za nabavke je ocijenila konačnu ponudu ponudača BH Telecom d.d. Sarajevo u ukupnom iznosu 162,95 KM bez PDV-a odnosno 190,65 KM sa PDV-om prihvatljivom i konstatovala da ista odgovara zahtjevima iz tenderske dokumentacije i predložila da se ista prihvati, te je donešena odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od 30 dana od dana objave obavještenja o dodjeli ugovora.

Dostaviti:

1. Ponudaču
2. a/a

DIREKTOR
Sarihodžić dr Majda, spec.socijalne medicine
MA menadžmenta

